



Broj: : 06/2-50-18-158/11
Sarajevo, 23.2.2011.

ZABILJEŠKA

sa sastanka članova Nezavisnog odbora kao nezavisnog tijela policijske strukture BiH sa komesarom Stefanom Fellerom, šefom Policijske misije EU u BiH

Sastanak je održan 23. 2. 2011., s početkom u 11 sati.

Sastanku su prisustvovali komesar Stefan Feller, šef Policijske misije EU u BiH, Michael Haner, šef Jedinice za reformu sigurnosti u OHR-u, Vinko Dumančić direktor Granične policije BiH, Mirko Lujić, direktor Državne agencije za istrage i zaštitu, Himzo Selimović, direktor Direkcije za koordinaciju policijskih tijela BiH, članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Viktor Dadić, Enes Obralija, Ljubomir Kuravica, Stanko Nuić i Zijad Kadić, te Alma Salkić-Mijić, sekretar Nezavisnog odbora.

Osim članova Nezavisnog odbora i pozvanih gostiju sastanak su pratili Medina Delalić iz Sektora za odnose s javnošću PSBiH, Dijana Šatara, Senad Zlatar i Aleš Balut iz OHR-a.

Predsjednik Nezavisnog odbora pozdravio je komesara Stefana Felleru, Michaela Hanera, direktore policijskih agencija BiH i sve prisutne.

U uvodu je predsjednik Krunić naglasio da je povod za organiziranje ovog sastanka taj što u ovoj godini treba da dođe do transformacije, odnosno prestanka mandata EUPM-a u BiH. Spomenuo je da Nezavisni odbor radi nepune dvije godine, da se u svom radu strogo pridržava Zakona o nezavisnim i nadzornim tijelima policijske strukture BiH, kojim su propisane nadležnosti ovog odbora. U daljem obraćanju, predsjednik Krunić je upoznao prisutne goste da Nezavisni odbor nije imao priliku da se upozna sa radom sličnih odbora u drugim razvijenijim zemljama, ali da se nada da će imati priliku i za takvo iskustvo. Podsjetio je na ogromam doprinos EUPM-a u podizanju standarda u radu policijskih agencija u BiH i ujedno se zahvalio komesaru Felleru na svoj dosadašnjoj pomoći koju je policijska misija EU u BiH pružila Bosni i Hercegovini. Očekuje od komesara Felleru da na današnjem sastanku da neke ideje članovima Nezavisnog odbora kako bi se rad policijskih agencija u BiH unaprijedio, te da ih informira o daljnjem prisustvu Policijske misije EU u BiH, nakon 2011. godine.

Komesar Stefan Feller, pozdravio je sve prisutne i zahvalio se na pozivu za sastanak. Na početku je naglasio da članovi Nezavisnog odbora mogu uvijek računati na pomoć EUPM-a i da će im komesar Feller lično i osoblje EUPM-a biti na usluzi. Istakao je da Policijska misija EU pomaže proces reforme policije i kontinuirano radi na razvoju lokalnih kapaciteta kao i regionalne saradnje u borbi protiv krupnog i organiziranog kriminala.

Stefan Feller je rekao da je jedan od prioriteta za policijske agencije koje djeluju na državnom nivou uspostavljanje elektronske baze podataka i razmjene tih podataka, kako unutar BiH, tako i sa zemljama regiona. Naglasio je da je razmjena informacija ključna u borbi protiv organiziranog kriminala i korupcije.

Michael Haner, šef Jedinice za reformu sigurnosti u OHR-u, izrazio je punu podršku radu EUPM-u, Nezavisnom odboru, policijskim agencijama u BiH kao i svim drugim institucijama koje osiguravaju sigurnost građana.

Vinko Dumančić, direktor Granične policije BiH u svom obraćanju je istaknuo da je Granična policija BiH dostigla visok stepen profesionalnosti u radu, te da je EUPM pružao pomoć Graničnoj policiji BiH.

Mirko Lujčić, direktor Državne agencije za istrage i zaštitu, govorio je o ulozi EUPM-a u BiH, Parlamentarnoj skupštini BiH i Nezavisnom odboru, radu Državne agencije za istrage i zaštitu, te naglasio da je EUPM iscrpio svoju ulogu u ovom mandatu. Posebno je naglasio da uloga EUPM-a u narednom periodu treba da bude na izgradnji kapaciteta policijskih agencija na svim nivoima, jer je Bosni i Hercegovini još uvijek potrebna pomoć i u materijalno tehničkim sredstvima, a ne samo pomoć kroz obuku kadrova.

Himzo Selimović, direktor Direkcije za koordinaciju policijskih tijela BiH, u svom obraćanju je naveo da je za rad Direkcije kojom on rukovodi veoma značajna podrška domaćih vlasti u rješavanju krucijalnih pitanja kao što su smještaj Direkcije. Zahvaljujući razumijevanju EUPM-a Direkcija je privremeno smještena u njihovim prostorijama. Smatra da je prisustvo Policijske misije EU u BiH potrebno i dalje ali u nekom drugom obliku, sa drugim nadležnostima i mandatom.

Na kraju Stefan Feller još jednom se obratio skupu i rekao da mandat EUPM-a ističe 2011., ali da će se prisustvo Policijske misije EU u BiH nastaviti i nakon toga, samo u modificiranom obliku prilagođeno trenutnim prilikama i potrebama BiH, u vidu monitoringa na terenu kao i savjetodavne pomoći.

Predsjednik Krunić je izrazio zahvalnost komesaru Felleru što je odvojio svoje vrijeme i prisustvovao sastanku sa članovima Nezavisnog odbora. Također se zahvalio svim prisutnim što su se odazvali pozivu i prisustvovali današnjem sastanku o temi „Uloga i značaj Policijske misije EU u BiH u 2011.godini.“

Sastanak je završen u 13 sati.

Privremeni sekretar
Nezavisnog odbora
Alma Salkić-Mijić